



100 AGNS DE NASSITE DI LUIGI CANDONI

“PREMI CANDONI

OPARIS TEATRÂLS IN LENGHE FURLANE”

CONCORS PAR DRAMATURGJIS TEATRÂLS IN LENGHE FURLANE

Tai 100 agns de nassite dal comediograf cjargnel Luigi Candoni, par puartâ indenant la ativitât di promoziun de sô dramaturgjie contemporanie, fate tra i agns '50 e '70 dal Nûfcent e lade indenant tai agns dopo cul “Premi Candoni”,

la Associazion Culturâl “Luigi Candoni”, in colaborazion cul Teatri Stabil Furlan, cu la ARLeF – Agenzie Regionali pe Lenghe Furlane e cu la Fondazion Teatri Gnûf "Giovanni da Udine",

E ORGANIZE

te suaze de manifestazion “PREMI CANDONI” e dal progjet “Il furlan lenghe dal Teatri”, la tierce edizion dal CONCORS “PREMI CANDONI – OPARIS TEATRÂLS IN LENGHE FURLANE”.

Il Concors “PREMI CANDONI – OPARIS TEATRÂLS IN LENGHE FURLANE”

AL À L’OBIETÎF DI:

- promovi e pandi la lenghe furlane tal setôr de formazion dramaturgiche;
- proponi gnûfs tescj in lenghe furlane pe produzion di spetacui teatrâi professionâi;
- disvilupâ ativitâts dramaturgichis e teatrâls che si fondin suntune progjetualitât largje par realizâ il program "Il furlan lenghe dal teatri".

I partecipants a àn di mandâ i elaborâts daûr des indicazioni e des cundizions specificadis tal Regolamento.

La Jurie dal Premi e procederà cu la leture des oparis e cu la votazion e e deciderà la graduatorie dai tescj premiâts: Prin, Secont e Tierç Classificât (lis cundizions dai premis a son specificadis tal Regolamento).

Il CONCORS si sierarà cu la premiazion: in chê ocasion, si fasarà la leture seniche dal Test teatrâl Prin Classificât.

MODALITÂTS PAR PARTECIPÂ AL CONCORS E REGOLAMENTO

1. Al CONCORS “PREMI CANDONI – OPARIS TEATRÂLS IN LENGHE FURLANE” al pues partecipâ cui che al à finît 18 agns.
2. Pal CONCORS “PREMI CANDONI – OPARIS TEATRÂLS IN LENGHE FURLANE” si puedin presentâ dome dramaturgjiis teatrâls in lenghe furlane; a son ametudis dutis lis variantis dal furlan; a son ametûts tocs dal test in altris lenghis o dialets regjonâi che no sedin plui dal 10% dal contignût de opare. I tescj a varan di jessi te grafie uficiâl de lenghe furlane. Il Sportel Regjonâl pe Lenghe Furlane de ARLeF al è disponibil pe assistance linguistiche scrivint ae direzion e-mail: info@sportelfurlan.eu
3. I partecipants a varan di consegnâ lis lôr oparis completis tal rispjet des scjadincis e des modalitâts specificadis tal pont 5 di chest Regolamento. Oparis incompletis, parziâls, in vie di rielaborazion o che no rispjetin il pont 2 di chest Regolamento a saran esclududis dal Concors.
Un autôr o une autore a puedin presentâ plui di une opare, ma a varan di fâ une iscrizion par ogni elaborât.

No son ametudis oparis scritis di plui di doi autôrs/dôs autoris. Se la opare e je scrite di doi autôrs/dôs autoris, ognidun/e al/e varà di paiâ la cuote di partecipazion (par vie des spesis di segretarie plui altis) e al/e varà di mandâ une e-mail cui alegâts, tant che indicât tal pont 5 di chest regolament (par evitâ controversiis cun e tra i autôrs/lis autoris); se une opare scrite di doi autôrs o dôs autoris e je tal grup dai trê vincidôrs, il premi al vignarà **dividût a metât** e al sarà dât a ogni autôr/autore in maniere direte di bande de Associazion Culturâl “Luigi Candoni”.

4. La Premiazion cun leture seniche dal Test vincidôr si fasarà ai 16 di Dicembar dal 2021 tal Teatri Gnûf “Giovanni da Udine”.

5. Par partecipâ al CONCORS “PREMI CANDONI – OPARIS TEATRÂLS IN LENGHE FURLANE”, si à di:

- paiâ la cuote di partecipazion di € 30,00 sul cont de Associazion Culturâl “Luigi Candoni”: Bcc Credito Cooperativo Banca Di Carnia e Gemonese Ag. di Tolmezzo; Cod. Iban: **IT97N0863764320019000070246**; cu la causâl “Iscrizione alla terza edizione 2021 del PREMIO CANDONI - OPERE TEATRALI IN LINGUA FRIULANA”;

- mandâ la e-mail ae direzion di pueste elettroniche

- **nominatîf dal autôr/de autore e titul de opare, dâts anagrafics, contats e curriculum vitae;**
- **ricevude dal paiament;**
- **autocertificazion firmade dal autôr/de autore** che e ateste la originalitât de opare, cun copie dal **document di identitât;**
- **modul compilât e firmât** (in zonte al bant) dulà che l’autôr/la autore a cedin ae Associazion Culturâl “Luigi Candoni”, a titul gratuit e in vie **no esclusive**, il dirit di doprâ, cence altris oblics, i materiâi consegnâts te suaze de iniziative denominate “Premi Candoni – Oparis teatrâls in lenghe furlane”;
- **document in pdf de opare** che si presente al concurs: il pdf al varà di vê il titul de opare ma **no** il nominatîf dal autôr/de autore.

[associazion](#)

Si à di mandâ la opare dentri des 18.00 dai 15 di Novembar dal 2021 (oparis mandadis dopo di chest orari no vignaran consideradis); la organizazion dal concurs e rispundarà cuntune e-mail dentri di 24 oris de ricezion. Se, passât il tiermin, il partecipant nol ves di vê ricevude la e-mail di rispueste, si domande di contatâ la Associazion Culturâl “Luigi Candoni” al numar di telefon scrit sot.

6. NO RISPIETÂ ANCJE DOME UNE SOLE DES MODALITÂTS CITADIS AL COMPUARTE LA ESCLUSION DAL PREMI.
7. A cjâf de Jurie, componude di professioniscj dal teatri e de critiche teatrâl, al sarà Giuliano Bonanni – Diretôr Artistic de Associazion Culturâl “Luigi Candoni”.
La Jurie e valutarà lis oparis su la fonde di:
 - valence sociâl e culturâl dal materiâl dramaturgic;
 - ûs de lenghe furlane;
 - fatibilitât di meti in sene la opare.
8. Cu lis valutazions/votazions de Jurie, si sielzin i prins trê tescj teatrâi che a saran classificâts tant che:
 - Prin Classificât
 - Secont Classificât
 - Tierç Classificât
9. Il PREMI pal Prin Classificât no si pues dividi (no je previodude la formule ex aequo) e al è di € **1.000,00** (mil/00);
Il PREMI pal Secont Classificât no si pues dividi (no je previodude la formule ex aequo) e al è di € **300,00** (tresinte/00);
Il PREMI pal Tierç Classificât no si pues dividi (no je previodude la formule ex aequo) e al è di € **200,00** (dusinte/00).
10. Lis decisions de Jurie dal “PREMI CANDONI - OPARIS TEATRÂLS IN LENGHE FURLANE” a son insindicabilis.

Ogni opare premiade e segnalade e je vincolade a scrivi la frase “Premi Candoni – Oparis teatrâls in lenghe furlane” su cualsisedi mieç di promoziun publiche dal test dramaturgic, ancje tal câs di lavôrs teatrâi, tes publicazions o tes notis editoriâls e tes trasmissions televisivis e radiofonichis.

PAR INFORMAZIONI SCRIVI A:

associazionecandoni@gmail.com

Par contats direts clamâ il numar: 328/8869497





100 AGNS DE NASSITE DI LUIGI CANDONI

“PREMI CANDONI – OPARIS TEATRÂLS IN LENGHE FURLANE”

LIBERATORIE PAR DOPRÂ LA OPARE

Jo: _____

Nassût/ude a: _____ Ai: _____

O soi a stâ a: _____ in vie: _____ n. _____

c.f.: _____

O CÊT A TITUL GRATUIT E IN VIE NO ESCLUSIVE

ae Associazion Culturâl “LUIGI CANDONI”, Frazion Cedarcjis n. 100 –
33022 Darte (Ud), c.f. e p.i. 02119760300,

il dirit di doprâ tes fasis dal Concors “PREMI CANDONI – OPARIS
TEATRÂLS IN LENGHE FURLANE”, cence altris oblics, i materiâi
dramaturgjics ricevûts e tal specific la opare teatrâl cun titul:

Lûc e Date

Firme
